



ATASSUT

UPA14/57-1

Gerhardt Petersen

06.05.2014

Arnat angutillu ajornartorsiornerminni qimarngusariaqalernerminnilu naligiinnerusumik sullinneqarsinnaanissaat siunertaralugu Nunatsinni qimarnguiit atorneqarnerat pillugu aammalu tassunga tunngatillugu qimarnguiit pisariaqartinneqarnerat aammalu kommunit allallu qimarnguinnik ingerlatsiumasut nutaamik qimarnguiliortoqarnissaanut imaluunniit pioreersut iluarsartuunneqarnissaannut periarfissaqartinneqarnissaannik misissuisoqarnissaa siunertaralugu qimarnguiit pillugit Naalackersuisut misissuineramik ingerlatsinissaannik Inatsisartut aalajangiiffigisassaattut siunnersuut.

(Inatsisartunut ilaasortat Knud Kristiansen og Gerhardt Petersen, Atassut)

Siullermik ATASSUT-mit Naalackersuisut qujassuteqarfigissavagut siunnersuut tamakkiisuungikkaluartumik taamaattorli isumarput naapertorlugu naammaginatumik ajornartorsiut matumani aaqqiiffigitikkumallugu siunnersuummik saqqummiussinitsinni paasinnillutik qisuariarmata.

ATASSUT-mit isumaqarluinnarpugut ilaqtariit akornanni ajornartorsiortoqalersimatillugu sapinngisamik piaartumik ersarissumillu ikiorneqarsinnaanermik periarfissat annertusarneqartariaqartut, taamaaliornikkut timi atorlugu nukersuunnerit pinngitsoortinniarneqarnissaa ersarissumik periarfissaalernissaa anguneqarsinnaassammat.

Ullumikkummi qimarnguinni ikiuisinnaaneq aatsaat pisarpoq meeqqat qimarngullugit angerlarsimaffiup avataani inissittariaqalernermi.

Matumani qimarnguiit aaqqissuuteqqinneqarnissaat ujartorparput, persuttaattoqartarnera pinngitsoortinniarlugu angajoqqaajusut ilaatigut namminneq toqqakkaminnik ikiorneqarnissamik ujartuisinnaanerat annertusarneqarnissaa aqputigalugu ilaqtariit, ajornerpaagaangat ilaqtariittut inuunerminni aserorneqaatigisinnaasaannik pisoqartinnagu, tassa persuttaanerit allatigullu



sakkortuumik aaqqiagiinnginnerit pilertinnagit saaffigisassaqaarsinnaanissaq, pitsaanagerusariaqartoq isumaqaratta.

Aap qimarnguinnik pisariaqartitsisartut arnaanerusarput, taakku ilaqutariillu meerartaat ikiorasuarneqaarsinnaasarput sumiiffinni qimarnguulinni, taamaattorli sumut iluaqutaassava ajornartorsiutaasut qiterisaat aallaavigalugit ikiuinani tassanngaannaq pisuni taamaallaat najugassaqaartitsigallarneq kisimi periarfissaassappat?

ATASSUT-mit isumaqarpugut angutit arnatulli ikiorasuarneqarnissaminnut pisariaqartitsisartut, amerlanertigut angutit, immaqa oqaasinnngortitsisinnaannginneq pissutigalugu nukimmik atuilersaraluartut aamma arnat ilaqutariinni annertuumik sumiginnaasinnaasarput ilaatigut angutit kisimik meeqqanik isumaginnittariaqalernerannik kinguneqaarsinnaasumik.

Arnat angutillu naligiimmik ikiorneqaarsinnaasutut misigitinneqartariaqarput, inatsisitigut sinaakkutarineqartut tamatumunnga periarfissaareeraluartut ullumikkut aaqqissuussinermi arnat kisiinnangajammik sullikkasuarneqaarsinnaasarput, allaallu paasisagut malillugit angutit meeqqatik pillugit ikiorasuarneqarnissaminnik noqqaassuteqaraluartut itigartinneqartarput.

Tamanna qaqutigoorsinnaagaluartoq, taamaattoq ATASSUT-mit isumaqarpugut angutit arnatulli aamma periarfissaqartinneqartariaqartut, minnerunngitsumik aamma ilaqutariit akornanni persuttaattarneq pinngitsoortinniarneqassappat siusissumik ikiuigasuarsinnaaneq periarfissaalertariaqartoq.

Taamaammat naammagisimaarparput qimarnguuit ullumikkut sullisseriaasiata pitsannngorsarneqarnissaa misissorniarneqarmat aammalu ikiorasuarneqarnissamik pisariaqartitsisut periarfissaat annertusarneqarnissaa siunertarineqarmat.

ATASSUT-mit iluarisimaarparput Naalakkersuisut piumassuseqarmata ajornartorsiut qulaajaaffigissallugu neriuppugullu Inatsisartuni partiit taamaaliornissamut piumassuseqarluassasut.



ATASSUT INATSISARTUNI

Taamatut oqaaseqaateqarluta ATASSUT-mit inassutigissavarput siunnersuut akuersaartumik suliarineqassasoq aappassaaneerneqartinnagulu Inatsisartut Ilaqtariinnermut Ataatsimiititaliaanut suliassanngortinneqassasoq.